

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKO VIJEĆE**



**Broj: 01-19/14**  
**Vareš, 30.01. 2014. godine**

**Z A P I S N I K**  
**s 14. sjednice Općinskog vijeća Vareš,**  
**održane 23.12. 2013. godine**

Zdravko Marošević – predsjedavajući Općinskog vijeća Vareš, otvorio je 14. sjednicu s početkom u 16,15 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ismet Abdulahović, Boško Andrić, Mahira Brkić, Tajiba Brkić, Almir Ciriković, Asmir Čizmo, Zdenko Franjić, Emir Islamović, Kenan Kamenjaš, Đemo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Jasmin Salketić, Goran Selak i Nikola Šimić.

**Odsutni** – Zdravko Barkić.

Pored vijećnika sjednici prisustvuju: Općinski načelnik – Avdija Kovačević, sekretar Općinskog vijeća - Leon Pavlović, pomoćnici općinskog načelnika, ispred Službe za privredu i finansije – Senad Mahmutović, direktor JKP d.o.o. Vareš – Zafer Kamenjaš i predsjednici političkih stranaka.

Sekretar OV Leon Pavlović izvijestio je Vijeće o realizaciji Zaključaka sa 13. sjednice OV održane 28.11.2013. godine. Na 13. sjednici OV donesena su četiri (4) Zaključaka i svi su realizovani. Postavljena su dva (2) vijećnička na koja su nadležni dostavili pismeni odgovor. Dostavljen je i pismeni odgovor na postavljeno pitanje na 11. sjednici OV od vijećnika strane Đeme Kevrić.

Općinski načelnik Kovačević Avdija u okviru aktualne problematike na području općine Vareš izvijestio je prisutne da je imao potrebu da u svom današnjem izlaganju govori o investicijama i planovima za 2014. godinu, ali da za današnju sjednicu neće imati obraćanje po tom pitanju zbog emotivne situacije nakon dženaze koja je obavljena prije današnje sjednice.

U svom kratkom obraćanju zatražio je posebno od vijećnika da mu oprostite ako je za vrijeme dosadašnjeg svog mandata, bilo šta rekao što u datom momentu možda nije trebalo da bude kazano. Upoznao je Vijeće da će od 01. januara 2014. godine, u skladu sa Zakonom o udruženjima građana i fondacijama, započeti sa aktivnostima formiranja humanitarnog udruženja koje će nositi simboličan naziv „Hajrudin-Hajro Kamenjaš“ i koje će iznaći modalitet, sredstva i način da bude jedna organizacija koja će u prvom redu imati osnovnu zadaću da pomaže našoj teško oboljeloj djeci, jer postoji potreba za takvom fondacijom.

**adresa:** Zvijezda 34, 71330 Vareš  
**identifikacijski broj:** 4218285300002  
**depozitni račun Unicredit banka:**  
3380002210017420

**tel.:** 00387 32 848 100;  
**fax:** 00387 32 848 150;  
**web:** www.vares.info  
**e-mail:** vares@bih.net.ba



## *(Vijećnička pitanja)*

### **Elvir Rožajac**

Upoznao je prisutne sa dostavljenim odgovorom koje se odnosi na javnu rasvjetu od Centralne radionice do naselja Rajčevac, te dao komentar o istom.

1. Traži od Općinskog načelnika i nadležne Službe da preko ZDK iznađe se mogućnost uklanjanja dva ruševna objekta koja se nalaze uz regionalni put ul. Zvijezda (preko puta STR „Dar“) i da se vlasnicima objekata uputi krajnje ozbiljan dopis u kome će se tražiti odobrenje za uklanjanje ruševnih objekata, te ukaže na posljedice jer objekti predstavljaju opasnost za prolaznike?

### **Mario Mirčić**

2. Traži pismeni odgovor na postavljeno vijećničko pitanje na 12. sjednici OV na koji nije dobio odgovor, a odnosi se na ispitivanje štetnosti antenskog odašiljača postavljenog na objektima O-4?

### **Mahira Brkić**

3. Zašto se po ukazanoj potrebi ne vrši posipanje lokalnih cesta zbog leda i poledice na istim, ili će ukazana potreba nažalost desiti kada bude kasno, kada neko nastrada. Da li je firma koja vrši uslugu zimskog održavanja izvršila posipanje putnog pravca Pajtov Han-Budoželje i ako jeste kada posljednji put, a ako nije, kao što je evidentno, kada ima namjeru to učiniti? Pitanje upućeno JKP d.o.o. Vareš.

### **Safeta Muftić**

4. Postoje li kriteriji za prijem pripravnika i ako postoje koji su? Pitanje postavljeno u ime građana koji se godinama nalaze na Birou za zapošljavanje.
5. U kojem javnom glasilu i kada su objavljeni oglasi za prijem u radni odnos novozaposlenih u organu uprave u 2013. godini? O postavljenim pitanjima dala je i pojašnjenje.

### **Đemo Kevrić**

Dobio je odgovor na postavljeno vijećničko pitanje na 11. sjednici OV koje se odnosi na sanaciju dijela puta Striježevo-Kokošćići, te je izjavio da nije zadovoljan sa datim odgovorom.

6. Traži i predlaže da se zbog trenutne poledice na sve dionice lokalnih puteva izveze sipni materijal?

Predsjedavajući OV stavio je na raspravu Zapisnik sa 13. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 13. sjednice OV, te nakon izjašnjavanja vijećnika konstatuje da je **Zapisnik sa 13. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 14. sjednicu OV.

Za riječ se javio Općinski načelnik Kovačević Avdija i predložio dopunu dnevnog reda 14. sjednice sa tačkom 11. Prijedlog Odluke o kreditnom zaduženju Općine Vareš.

Nije više bilo prijedloga i predsjedavajući OV stavio je na izjašnjavanje prijedlog dnevnog reda za 14. sjednicu OV sa predloženom dopunom, te nakon izjašnjavanja vijećnika konstatuje da je **jednoglasno usvojen s l i j e d e ć i**

### *D n e v n i r e d*

1. **Izmjene i dopune budžeta/proračuna Općine Vareš za 2013. godinu.**
2. **Prijedlog budžeta/proračuna Općine Vareš za 2014. godinu.**
3. **Prijedlog Odluke o izvršenju budžeta/proračuna Općine Vareš za 2014. godinu.**
4. **Prijedlog Odluke o privremenom finansiranju potreba Općine Vareš za period od 01. januara/siječnja do 31. marta/ožujka 2014. godine.**
5. **Prijedlog Odluke o usvajanju Strategije razvoja poljoprivredne proizvodnje na području općine Vareš za period 2014.-2018.. godine.**
6. **Prijedlog Odluke o vrijednosti boda komunalne naknade za 2014. godinu**
7. **Nacrt Odluke o utvrđivanju cijena komunalnih usluga i visine naknade za priključno mjesto.**
8. **Prijedlog Odluke o visini naknade za rad članova OIK za 2014. godinu.**
9. **Prijedlog Odluke o dopuni Odluke o radnom vremenu u određenim djelatnostima.**
10. **Prijedlog Dopunske Odluke o utvrđivanju povučene-obnovljene granične linije između šume i šumskog zemljišta i poljoprivrednog zemljišta, u katastarskoj općini Potoci.**
11. **Prijedlog Odluke o kreditnom zaduženju Općine Vareš.**
12. **Prijedlog Rješenja o imenovanju vršilaca dužnosti članova Skupštine Javnog preduzeća „Šumsko-privredno društvo Šumarstvo Vareš i Olovo d.o.o. Vareš.**
13. **Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2014. godinu.**
14. **Prijedlog Zaključka o davanju mišljenja na Privremeni godišnji plan gospodarenja za 2014. godinu za državne šume i šumsko zemljište za ŠGP „Gornjebosansko“.**
15. **Prijedlog Programa rada OV za 2014. godinu.**

**16. Izvještaj o realizaciji Programa finansiranja komunalnih djelatnosti u 2013. godini.**

**17. Informacija o postignutom uspjehu u školskoj 2012/2013 godini u OŠ Vareš, OŠ Vareš Majdan i MSS Nordbat-2 Vareš.**

**18. Tekuća pitanja.**

**Ad. 1.**

*(Izmjene i dopune budžeta/proračuna Općine Vareš za 2013. godinu.)*

Komisija za privredu, finansije i budžet, na 4. sjednici održanoj 23.12.2013. godine sa 4 glasa „ZA“ i 1 glasom „PROTIV“ donijela je slijedeći

**Zaključak:**

- **Komisija prihvata Izmjene i dopune budžeta/proračuna Općine Vareš za 2013. godinu, te ga upućuje Vijeću na razmatranje.**

Ispred predlagača Senad Mahmutović dao je kratko pojašnjenje za ovu tačku dnevnog reda.

Otvorena je rasprava u kojoj su svoje primjedbe, prijedloge, sugestije i mišljenja iznijeli vijećnici:

Vijećnica Safeta Muftić ispred Kluba SBB izjavila je da Klub vijećnika SBB ne može prihvatiti Izmjene i dopune budžeta/proračuna Općine Vareš za 2013. godinu o čemu je dala i objašnjenje.

Vijećnik Goran Selak u svom izlaganju tražio je pojašnjenje za stavke u rashodima koje se odnose na izdatke za usluge održavanja čistoće, ostale izdatke za informisanje, te sugerisao da se kod rashoda po službama razdvoje rashodi za Službu Općinskog načelnika i Službu Vijeća.

Vijećnik Mario Mirčić predložio je predlagaču da se finansiranje Hrvatskog radija Bobovac poveća za iznos od 3.000 KM sa stavke „ostali izdatci za informisanje, o čemu je dao i pojašnjenje.

Vijećnik Đemo Kevrić kao član Komisije za budžet upoznao je Vijeće sa stavom Komisije koja je razmatrala Izmjene i dopune budžeta/proračuna Općine Vareš za 2013. godinu, na sjednici održanoj 23.12.2013. godine. Ispred Kluba vijećnika BPS zamolio je predlagača da ukoliko u narednom periodu dođe do većih priliva prihoda, da se odmah pristupi izradi Rebalansa budžeta. Stav Kluba vijećnika BPS je da prihvatanju Izmjene i dopune budžeta/proračuna Općine Vareš za 2013. godinu.

Vijećnik Zdenko Franjić u svom izlaganju tražio je pojašnjenje od predlagača za stavke koje se odnose na konto 721 462 naknade od drugih domaćih pozajmica, konto 613 524 izdaci za prevoz ljudi, konto 613 991 ostale usluge, mišljenja je da su izdaci za mobilni telefon previsoki konto 613 313.

Za riječ se javio Općinski načelnik Kovačević Avdija koji je u svom obraćanju izjavio da u potpunosti razumije i podržava diskusije vijećnika i da će one biti obrazložene u

Izvještaju o radu organa uprave Općine Vareš, koji će biti analitički i sintetički urađen po Metodologiji koja važi u skladu sa Zakonom o budžetima u FBiH i koji će Vijeću biti ponuđen na razmatranje u I kvartalu 2014. godine. Još jednom je naglasio da su Izmjene i dopune budžeta/proračuna Općine Vareš za 2013. godinu u potpunosti urađene u skladu sa Zakonom o budžetu FBiH i da ni jedna proceduralna greška nije napravljena kad je u pitanju izrada ovog normativnog akta.

Predsjedavajući OV zaključio je raspravu i stavio na izjašnjavanje Izmjene i dopune budžeta/proračuna Općine Vareš za 2013. godinu.

Nakon izjašnjavanja vijećnika predsjedavajući OV konstatuje da su sa **15 glasova „ZA“ i 3 glasa „PROTIV“ usvojene**

### ***Izmjene i dopune budžeta/proračuna Općine Vareš za 2013. godinu.***

#### **Ad.2.**

*(Prijedlog budžeta/proračuna Općine Vareš za 2014. godinu.)*

Komisija za privredu, finansije i budžet na 4. sjednici, održanoj 23.12.2013. godine, jednoglasno je donijela slijedeći Zaključak:

- **Komisija prihvata Prijedlog budžeta/proračuna Općine Vareš za 2014. godinu, te ga upućuje Vijeću na razmatranje.**

Ispred predlagača Senad Mahmutović upoznao je Vijeće sa tehničkim greškama u Prijedlogu budžeta kao i o provedenim zakonskim procedurama u vezi izrade istog.

Otvorena je rasprava u kojoj su svoje prijedloge, primjedbe, sugestije i mišljenja iznijeli:

Vijećnik Goran Selak predložio je predlagaču da iznađe rješenje i da poveća stavku koja je planirana za subvencioniranje Pučke kuhinje, te je uputio pitanje da li su u prihodovnoj strani, u odnosu na Nacrt budžeta, uvrštena sredstva koja se odnose na prihod od GSM licenci i sredstva od kapitalnih ulaganja iz Kantona.

Vijećnik Elvir Rožajac u svom izlaganju podržao je Prijedlog Budžeta, te skrenuo pažnju da postoji potreba da se u Budžetu planira stavka za poticaj za svaku novorođenu bebu, o čemu je dao i pojašnjenje.

Vijećnik Boško Andrić izjavio je da HSP podržava Budžet Općine Vareš za 2014. godinu o čemu je dao i pojašnjenje.

Vijećnik Mario Mirčić ispred Kluba Hrvatske koalicije izjavio je da Klub podržava Budžet Općine Vareš za 2014. godinu. Zatražio je pojašnjenje u vezi prihvaćenih amandmana koje je Klub Hrvatske koalicije predložio a predlagač prihvatio, odnosno na koji su konto uvršteni. Uputio je sugestiju Općinskom načelniku, s obzirom da je u proteklom periodu najveći prihod ostvaren od prodaje Rudnika olova, cinka i barita, da u narednom periodu povede se računa kad su u pitanju ulaganja u MZ Pržiči i Daštansko.

Vijećnica Mahira Brkić u svom obraćanju iznijela je mišljenje u vezi planiranih prihoda u Budžetu Općine Vareš za 2014. godinu.

Vijećnik Đemo Kevrić kao član Komisije za budžet upoznao je Vijeće sa stavom Komisije koja je razmatrala Prijedlog Budžeta Općine Vareš za 2014. godinu. U svom izlaganju tražio je pojašnjenje za stavku koja se odnosi na prevoz ljudi. Na kraju svog izlaganja dao je pozitivan komentar na ponuđeni Prijedlog budžeta i na neka data pojašnjenja

od strane ovlaštenog predlagača, te ispred Kluba vijećnika BPS izjavio da Klub podržava Prijedlog Budžeta Općine Vareš za 2014. godinu.

Vijećnica Tajiba Brkić iznijela je mišljenje u vezi prihoda od viših nivoa vlasti.

Općinski načelnik Kovačević Avdija javio se za riječ i u svom obraćanju izjavio da će prihodi u 2014. godini biti povećani za najmanje 1.000.000 KM od neto dobiti budućeg ŠPD i da oni nisu prikazani u budžetu jer pripadaju našoj općini. U budžetu za 2014. godinu nisu planirana kapitalna ulaganja koja općina Vareš treba da dobije od ZDK, jer je Skupština ZDK još uvijek u toku i nije poznato šta će Skupština ZDK odobriti općini po osnovu kapitalnih ulaganja. Očekuju se sredstva u iznosu od oko 350-400.000 KM po osnovu vodnih naknada i naknada iz Ministarstva za izbjegla i raseljena lica. O iznesenom dao je i pojašnjenje, te predložio da se konačna stavka budžeta poveća na slijedeći način:

- da umjesto dosadašnjih 3.305.000 KM prihodovna strana bude 3.327.400 KM
- rashodovna strana da bude 3.327.400 KM
- da se 20.000 KM unese kao posebna stavka za poticaj novorođenih beba, na osnovu prijedloga vijećnika Elvira Rožajac,
- da se preostalih 2.400 KM unese kao dodatak za funkcionisanje Pučke kuhinje (ukupno 5.000 KM), na prijedlog vijećnika Gorana Selak.

Općinski načelnik je dao odgovor na postavljeno pitanje vijećnika Đeme Kevrić koje se odnosi na izdatke za prevoz ljudi. U daljem obraćanju govorio je o sredstvima koja su planirana za poticaj za poljoprivrednu proizvodnju, sredstvima za projekat energetskog utopljanja općine Vareš kao i o sredstvima planiranim za subvencioniranje Hitne pomoći.

Vijećnica Mahira Brkić javila se za riječ i dala komentar na dio izlaganja Općinskog načelnika.

Predsjedavajući OV zaključio je raspravu i na osnovu prijedloga Općinskog načelnika, na izjašnjenje stavio slijedeći amandman:

- **postojeći Budžet Općine Vareš za 2014. godinu koji iznosi 3.305.000 KM povećava se za 22.400 KM i sada iznosi 3.327.400 KM**
- **rashodovna strana iznosi 3.327.400 KM**
- **u budžetu se uvodi novi konto za poticaj novorođenih beba u iznosu od 20.000.KM**
- **konto za sufinansiranje Pučke kuhinje povećava se za iznos od 2.400 KM tako da ukupno iznosi 5.000 KM**

Nakon izjašnjenja vijećnika predsjedavajući OV konstatuje da je **predloženi amandman jednoglasno usvojen.**

Predsjedavajući OV stavio je na izjašnjenje Prijedlog Budžeta/Proračuna Općine Vareš za 2014. godinu sa usvojenim amandmanom.

Nakon izjašnjenja vijećnika predsjedavajući OV konstatuje da je sa **15 glasova „ZA“ i 3 glasa „PROTIV“ usvojen**

### ***Budžet/Proračun Općine Vareš za 2014. godinu.***

#### **Ad. 3.**

*(Prijedlog Odluke o izvršenju  
Budžeta/Proračuna Općine Vareš za 2014. godinu.)*

Komisija za privredu, finansije i budžet na 4. sjednici, održanoj 23.12. 2013. godine jednoglasno je donijela slijedeći

#### **Zaključak:**

- **Komisija prihvata Prijedlog Odluke o izvršenju Budžeta/Proračuna Općine Vareš za 2014. godinu, te ga upućuje Vijeću na razmatranje.**

Ispred predlagača Senad Mahmutović dao je dodatno pojašnjenje za ovu tačku dnevnog reda i upoznao Vijeće o prihvaćenom amandmanu koji se odnosi na odredbe za kreditno zaduženje, upućenim od strane Safete Muftić ispred Kluba SBB.

Otvorena je rasprava u kojoj se vijećnik Elvir Rožajac zahvalio Općinskom načelniku na uvođenju novog konta u budžetu za poticaj za novorođene bebe i izjavio da prihvata predloženi Prijedlog Odluke.

Zaključena je rasprava i predsjedavajući OV stavio je na izjašnjanje Prijedlog Odluke o izvršenju Budžeta/Proračuna Općine Vareš za 2014. godinu

Nakon izjašnjanja Vijećnika predsjedavajući OV konstatuje da je **jednoglasno usvojena**

***Odluka o izvršenju Budžeta/Proračuna  
Općine Vareš za 2014. godinu.***

Predsjedavajući OV dao je pauzu u trajanju od 20 minuta.

Nastavljeno je sa radom sjednice.

**Ad. 4.**

*(Prijedlog Odluke o privremenom finansiranju potreba  
Općine Vareš za period od 01. januara/siječnja do 31. marta/ožujka 2014. godine.)*

Ispred predlagača Općinski načelnik Kovačević Avdija, s obzirom da je usvojen Budžet/Proračuna Općine Vareš za 2004. godinu, povukao je sa dnevnog reda Prijedlog Odluke o privremenom finansiranju potreba Općine Vareš za period od 01. januara/siječnja do 31. marta/ožujka 2014. godine.

**Ad. 5.**

*(Prijedlog Odluke o usvajanju Strategije razvoja poljoprivredne  
proizvodnje na području općine Vareš za period 2014.-2018. godine.)*

Predsjedavajući OV podsjetio je prisutne da su sve procedure ispoštovanje u vezi izrade Prijedloga Odluke. Po ovoj tački dnevnog reda nije bilo rasprave i predsjedavajući OV stavio je na izjašnjanje Prijedlog Odluke o usvajanju Strategije razvoja poljoprivredne proizvodnje na području Općine Vareš za period 2014.-2018. godine.

Nakon izjašnjanja vijećnika predsjedavajući OV konstatuje da je **jednoglasno usvojena**

***Odluka o usvajanju Strategije razvoja poljoprivredne  
proizvodnje na području Općine Vareš za period 2014.-2018. godine.***

**Ad.6.**

*(Prijedlog Odluke o vrijednosti boda  
komunalne naknade za 2014. godinu)*

Komisija za statutarna pitanja i propise na 11. sjednici održanoj 18.12. 2013. godine jednoglasno je donijela slijedeći Zaključak:

- **Komisija za statutarna pitanja i propise nema primjedbi na predloženi Prijedlog Odluke o vrijednosti boda komunalne naknade za 2014. godinu, te je upućuje Općinskom vijeću na usvajanje.**

Predlagatelj nije imao dodatno obrazloženje za ovu tačku dnevnog reda.

Otvorena je rasprava u kojoj su učestvovali vijećnici Goran Selak, Mario Mirčić i pomoćnik načelnika Ermin Musa koji je dao dodatno pojašnjenje i odgovorio na postavljena pitanja vijećnika u raspravi koja se odnose na visinu obaveze i naplaćenu naknadu po osnovu komunalne takse i mjerama koje se poduzimaju za naplatu komunalne naknade od obveznika.

Zaključena je rasprava i predsjedavajući OV stavio je na izjašnjavanje Prijedlog Odluke o vrijednosti boda komunalne naknade za 2014. godinu.

Nakon izjašnjavanja vijećnika predsjedavajući OV konstatuje da je **jednoglasno usvojena**

*Odluka o vrijednosti boda komunalne naknade za 2014. godinu.*

#### **Ad. 7.**

*(Nacrt Odluke o utvrđivanju cijena komunalnih usluga i visine naknade za priključno mjesto.)*

Komisija za statutarna pitanja i propise na 11. sjednici održanoj 18.12.2013. godine jednoglasno je donijela slijedeći Zaključak:

- **Komisija za statutarna pitanja i propise prihvata Nacrt Odluke o utvrđivanju cijena komunalnih usluga i visine naknade za priključno mjesto, te je upućuje Općinskom vijeću na razmatranje.**

Otvorena je rasprava u kojoj su iznijeli svoje prijedloge primjedbe, stavove i mišljenja:

Vijećnik Goran Selak sugerisao je da se iznađe rješenje za naplatu vode u mjesnim zajednicama u kojima se to ne vrši i postavio pitanje vezano za visinu naknade za smeće u gradskom području u odnosu na visinu naknade u mjesnim zajednicama.

Vijećnik Elvir Rožajac izjavio je da će kod izjašnjavanja po ovoj tački dnevnog reda biti suzdržan o čemu je dao i pojašnjenje.

Predsjedavajući OV skrenuo je pažnju vijećnicima da se raspravlja o Nacrtu Odluke na koji vijećnici trebaju predlagati konkretne prijedloge

Vijećnica Mahira Brkić u svoje lično ime i u ime Kluba izjavila je da jedino može predložiti da se ova tačka skine sa dnevnog reda o čemu je dala objašnjenje, te zamolila direktora JKP d.o.o. Vareš da informiše Vijeće šta je sa tužbom koja je trebala biti povučena a odnosi se na razliku cijene vode na osnovu koje je utužena Općina Vareš. Izjavila je da Klub SBB neće podržati Nacrt kao ni prijedlog u ovakvoj formi, odnosno ne podržava nikakvo poskupljenje.

Vijećnik Đemo Kevrić iznio je mišljenje o predloženoj cijeni komunalnih naknada u Nacrtu i izjavio da Klub BPS nije bio ni za uvrštavanje ove tačke u dnevni red, te izjavio da Klub BPS neće podržati Nacrt Odluke sa predloženim cijenama za komunalne usluge o čemu je dao i objašnjenje.

Vijećnik Kenan Kamenjaš zamolio je direktora JKP d.o.o. Vareš da Vijeću obrazloži razloge zbog kojih je došlo do izrade Nacrta Odluke. Predložio je da se na današnjoj sjednici razmatra Nacrt i da se dođe do zajedničkog dogovora u vezi iznalaženja sistemskog rješavanja problema.

Vijećnik Boško Andrić izjavio je da će HSP-a kod izjašnjavanja za ovu tačku dnevnog reda biti suzdržana o čemu je dao i objašnjenje.



Vijećnik Mario Mirčić izjavio je ispred Kluba Hrvatske koalicije da predloženi Nacrt ide u daljnju proceduru čemu je dao i obrazloženje.

Vijećnica Tajiba Brkić sugerisala je da se trebaju formirati dvije realne cijene vode o čemu je dala i pojašnjenje.

Predsjedavajući OV Zdravko Marošević u svom izlaganju podsjetio je prisutne da je dužnost Vijeća da štiti interese građana ali i interese Javnih preduzeća čiji je osnivač Općina Vareš.

Općinski načelnik Kovačević Avdija u svom izlaganju upoznao je prisutne da je on zajedno sa svojim saradnicima pokrenuo inicijativu za izradu Nacrta odluke, te da u skladu sa aktima Vijeća ako i dođe do usvajanja Nacrta, on nije obavezujući. Usvajanje Nacrta podrazumijeva da je Vijeće vrlo ozbiljno i studiozno pristupilo rješavanju jednog sistemskog problema koji se nalazi na području općine Vareš. Podsjetio je prisutne na neka Ustavna prava i obaveze građana kao i na Zakon o vodama. Pozvao je Vijeće da podrži Nacrt odluke uz slijedeći zaključak:

-Zadužuju se Općinski načelnik Kovačević Avdija, predsjedavajući OV Zdravko Marošević, direktor JKP d.o.o. Vareš Zafer Kamenjaš zajedno sa ekspertima da u roku od 45 dana pripreme i sprovedu Javnu raspravu o Nacrtu oduke o visini cijena komunalnih usluga i cijene naknade za priključno mjesto.

-Javnu raspravu sprovesti kod svake kuće na području općine Vareš, uvažavajući sve diskusije vijećnika iznesene u raspravi na današnjoj sjednici.

Vijećnik Ismet Abdulahović u svom obraćanju dao je komentar na izlaganje Općinskog načelnika. Naglasio je da mještani mjesne zajednice plaćaju vodu mjesnoj zajednici i da su vodovodi, koji su izgradili građani mjesnih zajednica, u vlasništvu mjesne zajednice i da bez njihove saglasnosti niko ne može preuzeti upravljanje nad tim vodovodima, te ako dođe do izmjene Zakona o vodama, mjesne zajednice će se istog pridržavati. Zamolio je predsjedavajućeg OV da ukoliko više dođe do prozivanja pojedinih vijećnika da se takva diskusija prekine.

Predsjedavajući OV izjavio je da Općinski načelnik u svom izlaganju nije nikoga lično prozivao po imenima, te još jednom skrenuo pažnju da su građani birali Vijeće da štiti interese građana kao i kompletnu imovinu općine Vareš.

Vijećnica Mahira Brkić javila se za riječ i dala komentar na izlaganje predsjedavajućeg OV u kome je naglasila da iznošenje stava Kluba nije „udvaranje“ građanima.

Vijećnik Elvir Rožajac javio se za riječ i uputio repliku na dio diskusije predsjedavajućeg OV.

Zaključena je rasprava i predsjedavajući OV predložio je i stavio na izjašnjavaње slijedeći

#### **Zaključak:**

- **Utvrđuje se Nacrt Odluke o utvrđivanju cijena komunalnih usluga i visine naknade za priključno mjesto.**
- **Zadužuju se Općinski načelnik i nadležna Služba da pripreme i sprovedu Javnu u svim mjesnim zajednicama i područjima općine Vareš u trajanju od 45 dana.**

Nakon izjašnjavaња vijećnika predsjedavajući OV konstatuje da sa **8 glasova „ZA“, 5 glasova „PROTIV“ i 5 „SUZDRŽANIH glasova nije usvojen predloženi Zaključak.**

## **Ad.8.**

*(Prijedlog Odluke o visini naknade za rad članova OIK za 2014. godinu.)*

Komisija za statutarna pitanja i propise na 11. sjednici održanoj 18.12.2013. godine jednoglasno je donijela slijedeći Zaključak:

- **Komisija za statutarna pitanja i propise prihvata Prijedlog Odluke o visini naknade za rad članova Općinske izborne komisije, s tim da se izvrši izmjena člana 6. i da član 6. glasi: „Ova Odluka stupa na snagu osmog dana od dana objavljivanja na oglasnoj tabli Općine Vareš, a primjenjivat će se od 01.01. 2014. godine.“, te je upućuje Općinskom vijeću na usvajanje.**

Otvorena je rasprava u kojoj je vijećnik Goran Selak predložio da su u članu 1. tačka 1. riječi „od naknade vijećnika“ zamijene sa riječima „isplaćene naknade“, u tački 2. da se iza riječi „visini“ doda riječ „isplaćene“.

Predsjedavajući OV dao je mišljenje u vezi iznesenog prijedloga.

Sekretar OV Leon Pavlović ispred predlagača dao je pojašnjenje vezano za formulaciju teksta u članu 1. Prijedloga Odluke, te u vezi s tim izjavio da prihvata da se u članu 1. tačka 1. briše riječ „od“ a da ostali tekst ostaje isti.

Zaključena je rasprava i predsjedavajući OV stavio je na izjašnjavaње Prijedlog Odluke o visini naknade za rad članova Općinske izborne komisije za 2014. godinu sa prihvaćenom izmjenom.

Nakon izjašnjavaња vijećnika predsjedavajući OV konstatuje da je **jednoglasno usvojena**

***Odluka o visini naknade za rad članova  
Općinske izborne komisije za 2014. godinu.***

## **Ad. 9.**

*(Prijedlog Odluke o dopuni Odluke  
o radnom vremenu u određenim djelatnostima)*

Komisija za statutarna pitanja i propise na 11. sjednici održanoj 18.12. 2013. godine, jednoglasno je donijela slijedeći Zaključak:

- **Komisija za statutarna pitanja i propise nema primjedbi na predloženi Prijedlog Odluke o dopuni Odluke o radnom vremenu u određenim djelatnostima, te je upućuje Općinskom vijeću na usvajanje.**

Otvorena je rasprava u kojoj su svoje prijedloge, primjedbe i mišljenja iznijeli vijećnici:

Goran Selak i Elvir Rožajac u svom izlaganju predložili su da se radno vrijeme ugostiteljskih objekata u zimskom periodu produži do 24,00 sati.

Vijećnik Ismet Abdulahović postavio je pitanje sekretaru OV i predlagaču da li je Odluka urađena u skladu sa Zakonom u dijelu koji se odnosi na produženi rad.

Na postavljeno pitanje sekretar OV dao je odgovor da su preambula kao i temelj za donošenje ove Odluke u skladu sa Zakonom.

Općinski načelnik Kovačević Avdija također je dao odgovor da je Odluka u skladu sa Zakonom ali da ona preferira jedne u odnosu na druge o čemu je dao i obrazloženje.

Za riječ se javio sekretar OV Leon Pavlović koji je predložio da se u formulaciji člana 1. tačka c) stave u isti položaj svi korisnici ugostiteljskih objekata o čemu je dao i pojašnjenje.

U daljnjoj raspravi učestvovao je vijećnik Boško Andrić koji je iznio svoje mišljenje da ne prihvata favoriziranje jednih u odnosu na druge kad su u pitanju ugostiteljski objekti.

Zaključena je rasprava i predsjedavajući OV stavio je na izjašnjavanje Prijedlog Odluke o dopuni Odluke o radnom vremenu u određenim djelatnostima.

Nakon izjašnjavanja vijećnika predsjedavajući OV konstatuje da sa **2 glasa „ZA“, 9 glasova „PROTIV“ i 7 „SUZDRŽANIH“ glasova nije usvojena**

***Odluka o dopuni Odluke o radnom vremenu u određenim djelatnostima.***

**Ad. 10.**

*(Prijedlog Dopunske Odluke o utvrđivanju povučene-obnovljene granične linije između šume i šumskog zemljišta i poljoprivrednog zemljišta, u katastarskoj općini Potoci.)*

Komisija za statutarna pitanja i propise na 11. sjednici održanoj 18.12.2013. godine jednoglasno je donijela Zaključak:

- **Komisija za statutarna pitanja i propise nema primjedbi na Prijedlog Dopunske Odluke o utvrđivanju povučene-obnovljene granične linije između šume i šumskog zemljišta i poljoprivrednog zemljišta, u katastarskoj općini Potoci, te je upućuje Općinskom vijeću na usvajanje.**

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Dopunske Odluke o utvrđivanju povučene-obnovljene granične linije između šume i šumskog zemljišta i poljoprivrednog zemljišta, u katastarskoj općini Potoci.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Dopunska Odluka o utvrđivanju povučene-obnovljene granične linije između šume i šumskog zemljišta i poljoprivrednog zemljišta, u katastarskoj općini Potoci.)***

**Ad. 11.**

*(Prijedlog Odluke o kreditnom zaduženju Općine Vareš.)*

Predsjedavajući OV podsjetio je Vijeće da je u skladu sa aktima Vijeća za usvajanje ove tačke dnevnog reda, kod izjašnjavanja vijećnika potrebno dvotrećinsko donošenje.

Predlagač Općinski načelnik Kovačević Avdija dao je dodatno pojašnjenje za ovu tačku dnevnog reda u kome je izvijestio da će se kreditna sredstva koristiti za finansiranje porezne obaveze Općine Vareš prema Poreznoj upravi FBiH.

Otvorena je rasprava u kojoj su učestvovali vijećnik Ismet Abdulahović i sekretar OV Leon Pavlović.

Zaključena je rasprava i predsjedavajući OV stavio je na izjašnjavanje Prijedlog Odluke o kreditnom zaduženju Općine Vareš.

Nakon izjašnjavanja vijećnika predsjedavajući OV konstatuje da je **jednoglasno usvojena**

### ***Odluka o kreditnom zaduženja Općine Vareš.***

Predsjedavajući OV, na traženje Općinskog načelnika, dao je pauzu u trajanju od 10 minuta.

Nastavljeno je sa radom sjednice.

#### **Ad.12.**

*(Prijedlog Rješenja o imenovanju vršilaca dužnosti članova Skupštine Javnog preduzeća „Šumsko-privredno društvo Šumarstvo Vareš i Olovo“ d.o.o. Vareš.)*

Nije bilo rasprave po ovoj tački dnevnog reda.

Predsjedavajući OV stavio je na izjašnjavanje Prijedlog Rješenja o imenovanju vršilaca dužnosti članova Skupštine Javnog preduzeća „Šumsko-privredno društvo Šumarstvo Vareš i Olovo“ d.o.o. Vareš.

Nakon izjašnjavanja vijećnika predsjedavajući OV konstatuje da je **jednoglasno usvojeno**

***Rješenje o imenovanju vršilaca dužnosti članova Skupštine Javnog preduzeća „Šumsko-privredno društvo Šumarstvo Vareš i Olovo“ d.o.o. Vareš***

#### **Ad.13.**

*(Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2014. godinu.)*

Otvorena je rasprava u kojoj su svoje prijedloge, primjedbe i mišljenja iznijeli vijećnici: Mahira Brkić, Demo Kevrić, Tajiba Brkić, Elvir Rožajac i Ermin Musa pomoćnik načelnika koji je dao odgovor na postavljeno pitanje vijećnice Mahire Brkić koje se odnosi na kriterije za određivanje prioriteta. Vijećnici su u raspravi skrenuli pažnju na prioritetne putne pravce na kojima je potrebna hitna sanacija istih, a vijećnik Demo Kevrić u svom izlaganju predložio je predlagачu da je potrebno prikazati usporedne pokazatelje stvarnih potreba finansijskih sredstava za navedene dionice puteva.

Za riječ se javio Općinski načelnik i upoznao prisutne sa planiranim ulaganjem u infrastrukturu i to:

- od GSM licence, od Federalnog ministarstva za promet i komunikacije, 300.000 KM je odvojeno za put koji ide od Pogari prema Dragovićima, odnosno prema Bobovcu, kad je u pitanju put od Pogari prema Mrestilištu naglasio je da tu ima mnogo neriješenih imovinsko-pravnih odnosa, ali ipak taj put je nulti prioritet o čemu je dao i pojašnjenje
- U sklopu usvojenog Budžeta ZDK planiran je konto koji se odnosi na Direkcije za ceste ZDK i iz tog konta, kao što nam je obećano, bit će izdvojena sredstva u iznosu

od 450.000 KM za putnu infrastrukturu Šimin Potok-Odvojak, te u vezi s tim Općinski načelnik je sugerisao da se u dogovoru sa MZ Vijaka planiraju daljnje aktivnosti u vezi izgradnje putne infrastrukture u MZ Vijaka

- Ministarsko Vijeće BiH ponovo će dodijeliti namjenska sredstva u iznosu od oko 500.000 KM za dio puta od Odvojka prema Vijaci za koji postoji građevinska i urbanistička suglasnost kao i projektna dokumentacija
- Od strane Ministarstva za izbjegla i raseljena lica bio je raspisan tender (7.500.000), i uz potpunu suglasnost hrvatske i bošnjačke komponente predloženi su i odobreni slijedeći projekti: 25.000 za izgradnju projektne dokumentacije iz vodosnadbijevanja MZ Pogar, značajna sredstva su odobrena za rekonstrukciju i početak asfaltiranja dijela puta Lipa –Podtisoenci –Bijelo Borje i dio sredstava za saniranje postojeće makadamske mreže od Daštanskog prema Brgulama, odobren je dio sredstva od oko 5.000-7.000 KM za izgradnju kapele u Dubošćici, 120.000 KM je odobreno za nastavak izgradnje puta Lovački dom-Očevija
- Kad su u pitanju dva strateška puta Pajtov Han-Budoželje i Striježevo-Kokošćići, koji su na neki način i nulti prioritet, izjavio je da će se tu implementirati sredstva u jednom cjelovitom paketu rješenju uključujući i dio puta Križ-Borovica, u pitanju su sredstva u iznosu od 677.000 \$ od IFAD-a koja će se implementirati kao poboljšanje infrastrukture s ciljem afirmacije poljoprivrednog resursnog centra u Vareš Majdanu za koji je pokrenuta i Inicijativa.

Izjavio je da će dio putnog pravca Šimin Potok –Studenac-Zubeta-Ravne-Crna Rijeka u drugoj polovini naredne godine, kroz rebalans Sarajevskog i Ze-Do kantona biti uvršten na jedan poseban način o kome je i upoznao Vijeće.

Zaključena je rasprava i predsjedavajući OV stavio je na izjašnjavanje Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2014. godinu.

Nakon izjašnjavanja vijećnika predsjedavajući OV konstatuje da je **jednoglasno usvojen**

***Zaključak o davanju saglasnosti na Program  
rekonstrukcije, izgradnje i obnove lokalnih cesta za 2014. godinu.***

**Ad.14.**

*(Prijedlog Zaključka o davanju mišljenja na Privremeni  
godišnji plan gospodarenja za 2014. godinu za  
državne šume i šumsko zemljište za ŠGP „Gornjebosansko“.)*

Otvorena je rasprava u kojoj su postavili pitanja, iznijeli svoje prijedloge i mišljenja vijećnici: Mahira Brkić, Kenan Kamenjaš, Elvir Rožajac, Emir Islamović, Mario Mirčić, Tajiba Brkić i Općinski načelnik Kovačević Avdija koji je dao dodatno pojašnjenje za ovu tačku dnevnog reda i odgovorio na neka pitanja postavljena u raspravi.

Zaključena je rasprava i predsjedavajući OV stavio je na izjašnjavanje Prijedlog Zaključka o davanju mišljenja na Privremeni godišnji plan gospodarenja za 2014. godinu za državne šume i šumsko zemljište za ŠGP „Gornjebosansko“.

Nakon izjašnjavanja vijećnika predsjedavajući OV konstatuje da je **jednoglasno usvojen**

***Zaključak o davanju mišljenja na Privremeni godišnji  
plan gospodarenja za 2014. godinu za  
državne šume i šumsko zemljište za ŠGP „Gornjebosansko“***

#### **Ad.15.**

*(Prijedlog Programa rada OV za 2014. godinu.)*

Sekretar OV Leon Pavlović dao je dodatno pojašnjenje za ovu tačku dnevnog reda.

Otvorena je rasprava u kojoj su učestvovali pomoćnici načelnika Rusmir Berberović i Ermin Musa, predsjedavajući OV Zdravko Marošević i sekretar OV Leon Pavlović koji je dao dodatno pojašnjenje.

Zaključena je rasprava i predsjedavajući OV stavio je na izjašnjavanje Prijedlog Programa rada OV za 2014. godinu.

Nakon izjašnjavanja vijećnika predsjedavajući OV konstatuje da je **jednoglasno usvojen**

***Program rada OV za 2014. godinu.***

#### **Ad.16.**

*(Izveštaj o realizaciji Programa finansiranja komunalnih djelatnosti u 2013. godini.)*

Otvorena je rasprava u kojoj su učestvovali vijećnici Mato Pavić, Mario Mirčić i predsjedavajući OV Zdravko Marošević koji su u svom izlaganju skrenuli pažnju na zimsko održavanje pojedinih ulica, trotoara, javnu rasvjetu, te pohvalili aktivnosti na dekorisanju grada

Zaključena je rasprava i predsjedavajući OV stavio je na izjašnjavanje Izveštaj o realizaciji Programa finansiranja komunalnih djelatnosti u 2013. godini.

Nakon izjašnjavanja vijećnika predsjedavajući OV konstatuje da je **jednoglasno usvojen**

***Izveštaj o realizaciji Programa finansiranja komunalnih djelatnosti u 2013. godini.***

#### **Ad.17.**

*(Informacija o postignutom uspjehu u školskoj 2012/2013 godini u OŠ Vareš, OŠ Vareš Majdan i MSŠ Nordbat-2 Vareš.)*

Otvorena je rasprava u kojoj je učestvovao vijećnik Đemo Kevrić koji je u svom izlaganju predložio da se ova tačka dnevnog reda u narednom periodu razmatra u mjesecu oktobru o čemu je dao pojašnjenje, te skrenuo pažnju na podatke koji se odnose na vladanje učenika u MSŠ Nordbat-2 Vareš.

Zaključena je rasprava i predsjedavajući OV stavio je na izjašnjavanje Informaciju o postignutom uspjehu u školskoj 2012/2013 godini u OŠ Vareš, OŠ Vareš Majdan i MSŠ Nortbat-2 Vareš.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Informacija o postignutom uspjehu u školskoj 2012/2013 godini u OŠ Vareš, OŠ Vareš Majdan i MSŠ Nordbat-2 Vareš.***

## Ad. 18.

(Tekuća pitanja.)

1. Predsjedavajući OV upoznao je Vijeće sa dopisima Općinskog načelnika koji se odnose na Informaciju vezanu za prodaju poslovnog objekta zvanog „Stanica milicije“ i na rješavanje statusa Doma kulture u Gornjoj Vijaci.

U raspravi su učestvovali predsjedavajući OV Zdravko Marošević i Općinski načelnik Kovačević Avdija .

Predsjedavajući OV, na osnovu prijedloga iznesenog u raspravi od strane Općinskog načelnika, stavio je na izjašnjavanje slijedeće

### Zaključke:

1. **-Zadužuje se Jedinствени općinski organ Općine Vareš, da početkom januara 2014. godine, angažuje ovlaštenog sudskog vještaka ekonomske i građevinske struke, koji će izvršiti procjenu objekta „Stanica milicije“ u Gornjoj Vijaci.**  
**-Formirati komisiju u sastavu od pet članova (tri predstavnika MZ Vijaka i dva predstavnika Jedinственог općinskog organa) koja će na osnovu analize sudskog vještaka pokrenuti proces za Javni natječaj kojim će se pokušati kroz slobodnu pogodbu postići najveća cijena i prodati objekat.**  
**-Kompletna sredstva od prodaje objekta, reinvestirati u MZ Vijaka.**
2. **Vijeće daje saglasnost Općinskom načelniku da pokrene aktivnosti rješavanja statusa vlasništva Doma kulture u Gornjoj Vijaci putem sudskog spora.**

Nakon izjašnjavanja vijećnika predsjedavajući OV konstatuje da su predloženi **Zaključci jednoglasno usvojeni.**

2. Predsjedavajući OV, u vezi dostavljenog dopisa od strane Skupštine sindikalne organizacije Općine Vareš konstatovao da Vijeće nije nadležno po pitanju istog, nego je za to nadležan organ uprave Općine Vareš.
3. Općinski načelnik Kovačević Avdija na osnovu usvojenog Rješenja na današnjoj sjednici OV koje se odnosi na imenovanje vršilaca dužnosti članova Skupštine Javnog preduzeća Šumsko-privredno društvo Šumarstvo Vareš i Olovo d.o.o. Vareš, kao ovlašteni predlagač predložio je Vijeću kandidate za vršioce dužnosti članova Nadzornog odbora JP ŠPD Šumarstvo Vareš i Olovo d.o.o. Vareš koji će u skladu sa Zakonom imenovati Skupštine JP. Predloženi kandidati su Miletović (Mate) Ivan dipl. inženjer mašinstva i Karamustafić (Hakije) Halim dipl. ekonomista.

Predsjedavajući OV je na osnovu prijedloga Općinskog načelnika i nakon izjašnjavanja vijećnika o istom, konstatovao da je Vijeće **jednoglasno dalo podršku prijedlogu Općinskog načelnika za imenovanje članova Nadzornog odbora JP ŠPD Šumarstvo Vareš i Olovo d.o.o. Vareš i to: Miletović (Mate) Ivan dipl. inženjer mašinstva i Karamustafić (Hakije) Halim dipl. ekonomista.**

- Vijećnik Ismet Abdulahović čestitao je nadolazeće katoličke i pravoslavne Blagdane, kao i Novu godinu.
- Općinski načelnik Kovačević Avdija u svom obraćanju zahvalio se svim građanima općine Vareš koji su organu uprave Općine Vareš i Općinskom vijeću davali podršku tokom ove godine, te uputio čestitku za predstojeće Blagdane i Novu godinu.
- Predsjedavajući OV Zdravko Marošević u svoje lično ime i u ime Općinskog vijeća čestitao je građanima nadolazeće Blagdane i Novu godinu.

Sastavni dio ovog Zapisnika je audio zapis sjednice.

Sjednica je završena u 20,45 sati.

***SEKRETAR***

**Leon Pavlović**

***ZAPISNIČAR***

**Azra Ibrahimović**

***PREDSJEDAVALAČI***

**Zdravko Marošević**